

久識團陽是隱星
我眉山下養真靈
閒邀野士談丹訣
夜月寒煙戶不扃

水田深處白雲飛
聽徹秧歌入翠微
昨夜鳩聲啼不斷
今朝細雨入茅扉

題王生持平子宅

半房山色映簷牙
綠竹陰陰照碧紗
老子於斯興不淺
桃源深處古人家

攜諸子遊龍泓二絕

龍泓口內有青山
一灣一灣復一灣
試待清明風日麗
又攜雲屐試尋攀

道藏輯要

三才全集 古今詩類

書 續畢集九 川上上二

正是山鐘打暮天
諸生請上草蒲團
吾將化箇雲仙子
來往樓中嘯晚煙

迴軒然臺

今夕分神下太清
天風吹下玉簫聲
雲衢開展三霄靜
雪月交輝萬里明
候我全身騎鶴降
寄君一語待雞鳴
青衣島上清漪觀
樓閣參差似碧城

暮春

今日好天氣
春風吹綠楊
水隨行客轉
花自過溪香
蝴蝶飛依草
蜉蝣舞過牆
我觀諸造物
回首歎滄桑

清溪令

詞